

Tuesday, November 4, 2025

Time - 2:30pm - 2:35pm



MSO DIAMOND JUBILEE

Chief Minister Pu Lalduhoma'n Mizoram chu khualzin hipluh kawngah India hmarchhak state zinga hmasawn nasa ber an ni a ti.

Mara Students Organisation (MSO) kum 60 tlin lawmna hun a hmanpui na ah sawiin Chief Minister chuan Ziak leh chhiar thiam vekna state hmasa ber an ni a ti a, khualzin hipluh lama India hmarchhaka hmasawn nasa ber an ni tih sawiin Mizoram hmasawn nana hmachhawp hrang hrang chhawr tangkai turin thalaite inbuatsaih turin a chah a ni.

Chief Minister chuan, Mara Students' Organisation chu Mara fate tana pawl tangkai, thalaite kaihruaitu, hnam huikhawmtu, Zohnahthlak unau dangte nena inpawhna tha kengkawhtu a ni a ti a. Zirna lamah Mara thalaiten hma an sawn theih nan a thawhhlawk hle tih a sawi bawk.

Pu Lalduhoma chuan an sorkar tirh atanga kumin August thlengin sorkar hna thar 515 kan siam tawh a ti a, hnaruak hnawhkhah phalna direct recruitment atangin 2087 leh Limited Departmental Exam kaltlangin hna 532 hnawhkhah phalna an pe tawh tih a sawi.

Chief Miniser chuan Sorkar hnathawh tum lo te tan Bana Kaih Scheme hmangin an thiamna leh theihna zawna eizawna bul an tan theihna tur an duang a ti a, A thawh hnihna kalpui turin an inbuatsaih chho mek a ti bawk.

Pu M. Laikaw, CEM, MADC pawhin thu sawiin Mara Students Organisation te lawmpuina hlanin, an kal zelna turah duhsakna a hlan a. Mizoram sorkarin MADC tana hmalakna tha tak tak a neihte tarlangin Chief Minister hnenah lawmthu a sawi a ni.

Mara Students Organization hi kum 1965 November ni 4 khan Shillong khawpuiah din a ni.



CHAMPHAI REFUGEE

Champhai District-ah November ni 4 thlenga chhinchhiah danin Myanmar atanga raltlan 13662 an awm a, heng zingah hian hmeichhia 4328 an awm.

Vawiina DC Conference Hall, Keifangtlanga sawrkar hotu leh pawl hrang hrang inhmu khawmin raltlan buaipui dan tur leh tanpui dan tur an sawiho na ah Raltlan awm zat hi tarlan niin tun dinhmunah Myanmar atanga raltlan 13662 an awm mek a, heng zingah hian mipa 4256 awmin hmeichhia 4328 an awm a, kum 18 hnuailam 5078 an awm bawk a ni.

He hunah hian ADRA (Adventist Development and Relief Agency) India Project Manager Pu Sujan Chandra Das chuan ADRA hmalakna leh thil tih te PowerPoint presentation hmangin a tarlang a, Doctors without Borders atangin ramri ah leh tulna hmun hrang hrangah raltlan an enkawl dan chungchang ngaihthlak a ni bawk. Pawl hrang hrang - ZEP (Zoram Entu Pawl), HI (Humanity and Inclusion) leh JRS (Jesuit Refugee Service) te hnathawh ngaihthlak a ni bawk a, anni hian tanpuina chi hrang

hrang - eitur te, zirtirna te, health camp te an pe thin a ni. Hemi zawh hian heng pawl hrang hrang te, sawrkar hotute, VC te leh tlawmngai pawl hrang hrang nen tha taka an thawhho theih dan tur te, raltlan tam zawk an enkawl theih dan tur te, biometric authentication chungchang te sawiho a ni.

Champhai DC Pu Mohammad Aaquib chuan pawl hrang hrang hnathawh that avangin lawmthu a sawi a, thawk tha chhunzawm zel turin duhsakna a hlan a, thawhpui turin sawrkar a inhuam reng a ni tih sawiin department leh pawl dangte inhawng turin a fuih bawk a ni.



PTC RECRUITMENT

Akashvani (All India Radio) Aizawl Regional News Unit chuan District hrang hranga thawk tur Part Time Correspondent (PTC) a la dawn.

Akashvani Aizawl Regional News Unit chuan PTC tur hi Aizawl, Hnahtial, Vairengte, Champhai North leh Chawngte ah te a la dawn a, kum 24 atanga kum 50 inkar Graduate tan November ni 14, 2025 thleng dilna thehluh theih a ni.

PTC dilna form hi News Section, Akashvani Aizawl pisa Tuikhuahtlangah lak theih ani dawn a, AIR News Aizawl Facebook page ah download theihin a awm bawk ang.



GST REFORMS

GST dan hluia life insurance leh health insurance ah GST 18% lak thin chu GST dan tharah ngaihhnathiam a nih tak avangin life insurance leh health insurance tituten GST an pek a ngai tawh dawn lo.

Akashvani News Aizawl zawhna chhangin LIC hotute chuan, GST 2.0 ah insurance titurten pawisa a pek tur premium a hniam tawh thu leh policy ti thar leh neisa tan pawh a hniam nghal vek thu an sawi a; GST thar hnuaiah hian mipui tan pawisa pek tur a tlem a, an lukhawng erawh a sang dawn tih a sawi.

Mipuiin GST hlui hnuaia GST an pek lai leh pek tawh loh hnuah an pawisa dah atanga hlawkna an tel tur chu a ngai reng tih sawiin LIC hotute chuan, mipui tan hlawkna tam tak a awm thu an sawi a; mipuiin an hriatchian a ngai hle a, Mizoramah chuan sum a harsat avangin insurance ti tam lo mahse, India ram pum angah chuan GST thar hnuaia insurance ti an tam phah hle thu an sawi bawk.



PTC RECRUITMENT

Akashvani (All India Radio) Aizawl Regional News Unit chuan District hrang hranga thawk tur Part Time Correspondent (PTC) a la dawn.

Akashvani Aizawl Regional News Unit chuan PTC tur hi Aizawl, Hnahtial, Vairengte, Champhai North leh Chawngte ah te a la dawn a, kum 24 atanga kum 50 inkar Graduate tan November ni 14, 2025 thleng dilna thehluh theih a ni.

PTC dilna form hi News Section, Akashvani Aizawl pisa Tuikhuahtlangah lak theih ani dawn a, AIR News Aizawl Facebook page ah download theihin a awm bawk ang.



GST

Prime Minister Narendra Modi a’n September ni 22 a GST dan thar a tihchhuah chuan ram mipui te ah hlawkna a thlen mek zel a, vawiinah chuan Damdawi leh hriselna lama nghawng a neih dan kan tarlang dawn a ni.

GST rate thar chuan ram mipuite abikin mirethei leh hnuaihning zawk te tan hlawkna siam sak zel in, damdawi chi hrang hrang ah chhiah lak tih tlem ani a, hei bakah hian damdawi thenkhat ah chhiah lak tih tawp a ni a, Damdawi nitin mamawh hrang hrang ah te chhiah lak tih tlem a ni bawk. Heng te avang hian damlo leh damdawi mamawh tute tan senso ti tlem in, khawsak a tih awlsam phah hle a ni.



BIHAR ELECTION

Bihar a Assembly inthlan awm tur atan a campaign hun chu vawiin tlai hian khar ani dawn a, District 18 chhung a bial 121 ah inthlan hi neih a ni anga, November ni 6 ah vote thlak a ni ang.

Assembly inthlan a tan a campaign ni hnuing ber ah hian campaigner te chuan nasa tak in hma an la a, district hrang hrang ah inthendarh in theih tawp in hma an la a, he campaign hun hi vawiin tlai dar 5 ah a tawp dawn a ni. Bihar Assebly inthlan hi thawh 2 a neih a ni.

